

Or da la fototeca dal DRG

Da Mustér a Müstair



Sta. Maria, davosvart il Piz Dora ed il Piz Daint FOTOGRAFIA: O. FURTER



Enviern en Val Müstair FOTOGRAFIA: W. ZELLER



La claustra Son Jon a Müstair, 1911 FOTOGRAFIA: C. MEISSER

Son Silvester – l'ultim di da l'onn – l'ultima pagina «Or da la fototeca dal DRG» – ina rubrica lantschada a chaschun dal giubileum da 125 onns Societad Retorumantscha.

A Tschamut ha entschet noss viadi a travers il Grischun rumantsch – sa fermond en ina u tschella vischnanca – ed en Val Müstair va noss viadi a fin.

Nus sperain che las fotografias veglias As hajan plaschi ed As hajan dà in'invista en noss archiv. Las numerusas re-
acziuns han demussà ch'igl è avant maun in grond interess per fotografias veglias ed insumma per l'Institut dal Dic-
ziunari Rumantsch Grischun. Oz vulain nus engraziar a tuttas ed a tuts che han dà in resun cun commentar las pagi-
nas u cun empustar fotografias.

Adina puspè è vegnida la dumonda, sch'il rom enturn las fotografias simbolisescha forsa l'ur d'ina fotografia veglia.
Tant vulain nus revelar: la fotografia veglia cun ses urs irregulars ha forsa dà l'inspiraziun per crear quest rom, ma sche
Vus guardais propi bain, pudais vesair differents pizs dal Grischun, uschia per exempel en il chantun sisum da maun
dretg il Piz Beverin, giudim sanester il Corn da Tinizong euv. – damai in rom dal tuttafatg spezial.

52 giadas è cumparida mintgamai ina pagina cun fotografias d'ina u pliras vischnancas rumantschas. En il decurs dal
2011 edin nus ina DVD che cuntegna tut las fotografias publitgadas en La Quotidiana ed autras. Ella è la segunda en
nossa seria da DVDs «Archiv da fotografias». L'onn 2006 è gia cumparida la DVD «Sguards vers il passà» cun stgazis
or da la fototeca. Tuttas duas DVDs pudais Vus retrair da l'Institut dal DRG. Noss'adressa chattais quasut.

Grazia fitg ed a revair en l'Institut dal DRG a Cuira.